


**ROLANDI
VINCHELIJ
BRUGENSIS
ILLUSTRISS. CARD.
VERONENSIS...**

Roland Vinchel



CLARISSIMO
DOMINICO MAVRO
PATRITIO VENETO..



ROLANDVS VINCHELIVS S. P.

PROXIMIS diebus cum alienissimo Reip. tempore, Ioannes Maurus decessisset, nullaque elatus pompa publici honoris funeris caruisset; factum est tua, tuorumque prudentia, quorum cogitationes persona dignitatem, & Reip. splendorem spectare solent, ut funus ei in aede D. Marci celebri antistitum conuentu quam amplissimum fieret. magni quippe ad commendationem magnificentiae huius Reip. intererat, ut more institutoque communi in clarissima huius Urbis luce, quae omnia ad decus, & amplitudinem reuocare consuevit, Oratoris Exequiae illustris ad posteritatis memoriam iudicio monumento honorario decorarentur. Hic enim benefactorum fructus est; hac debita virtute merces; hoc maximis in Remp. meritis propositum premium. Itaque ea omnia honorum insignia, quae publica persona grauissimis pro patria persuntae muneribus decerni poterant, hoc magnificentissimo ad speciem Iustorum apparatus existerunt. quae res tibi, tuisque summa laudi fuit ac gloria. utpote quae cum maximam expectationem concitasset, & circulis sermonem dedisset, maxima sit totius Urbis approbatione excepta. Verum ne quid supremi diei celebritati, & honorum cumulo deesse videretur; Illustrissimus Cardinalis Veronen. pro singulari sua in eum, cum quo coniunctissime & amantissime vixerat, beneuolentia; Iustum praestantibus eius virtutibus praconium persoluendum esse ratus; mihi, cuius in familia, & clientela sum, onus laudes eius ex superiore loco praeedicandi imposuit. Mitto igitur ad te fetum hunc ingenij mei rudem & inchoatum, Orationem scilicet funebrem festinationis plenam, quam quatruidi a me expresserunt angustiae; amoris erga te mei pignus, & obseruantiae non vulgaris testem. In qua adumbratam Ioannis Mauri Patruj tui sine fuco, sine pigmetis tenui penicillo designatam effigiem intueberis, qua uti domestico exemplo ad omnem laudem excitare. Neque enim par erat argumenti lacrymosi materiem luminibus ad oblationem & venustatem comparatis illustrari, & colorum medicamentis exornari. Munus leuidentse est, sed huius tenuitatem animi tui magnitudo subleuabit. Vale, & me mutuo amore complectere. Roma xij. kal. Iunias.

IN FVNERE
ORATORIS VENETI
IOANNIS MAVRI EQVITIS

O R A T I O

ROLANDI VINCHELII.



ODIERNI funeris pompa, & monumenti honorarij apparatus, PP. AA. Ingubres Sacerdotum cantus, arratz aræ, sepulchrales faces, parentantium gemitus, pullæ omnium ordinum, omnium ætatum vestes, insolens denique totius huius coronæ sordidatæ squalor, cū mæstitiam præferant, & acerbissimi luctus significationem dent; tñm me sanè quàm debilitant maximè infirmantque, & quam ad dicendum alacritatem attuleram, prorsus eripiunt. Inusitata enim sacræ huius ædis facies, & confessus Vestri noua forma, vehementer, animum perturbant meum, pristinamque recordationem iacturæ ex intempestiuo lectissimi integerrimique Viri occasu factæ, renouaut & ægrescenti identidè repræsentant. Difficile equidem est, quod a natura hausimus, quod vitæ communionē ac societate imbibimus, amicorum nimirum miserijs indolere, dissimulanter id ferre posse, & composito vultu incurstantem impressione dolorem obtegere ac sustinere. qui cū recrudescere in me non sine graui acerbitalis sensu obiecta huius Cenotaphij specie incipiat, & veteris ærumnæ vulnus refricare; aliò cogitationem eodem recurrentem detorquendam, alioque orationem conuertendam esse intelligo. ne resiente ventō vela faciens oratio in alto iactata ad eundem reiecta scopulum adhærescat. Ecceui enim vel ferreo, nisi efferata quadam & immani indolentia instar saxi obduruerit, immatura Ioannis Mauri maximis pro Reip. perfuncti muneribus, & e medio gloriæ curriculum, quod magnum natura præferebat, sublato mors, lacrymas nō exprimât, totisque visceribus commoueat? O atrocem, & funestum casum? tot, tam lætos, tamq. vberes fructus repentini vnus turbinis vis, & oborta tempestas abstulerit? Ardeo profecto dolore vix consolabili, dum acceptæ calamitatis memoriam retracto, & ad publicum detrimentum cogitationem excito. Verum cum magnum in commotionum animi sedatione ad dicendum momentum sit, dolorque in primis aciem mentis hebetet, atque obundat; afferam, quam poterō vim luctuosæ huic

cogitationi, ne pondere suo ad marem etiam obnitentem inflectat, & inflatur orationis cursum remoretur. quod quam operosum sit, facile quis intelligens rerum æstimator diiudicet. Vt enim scapham aduerso lumine summa contentione, & remorum pulsu actam, rectam tenere, & quominus retrò labatur interdum, ne quidem scientissimus nauicularius impedire queat: ita doloris præsentis magnitudini, quod altius in medullis infederit, moderari, non mediocris mei ingenij est; at certè non huius loci. Quare sicubi incurrerit, offenderit, hæserit tanquam in salebra oratio, vos æqui arbitri causam momento suo ponderantes, doloris obrepentis importunitati condonabitis. Venio igitur ad id, quod sanare ægritudinem, & luctus molestiam abstergere solet, rerum scilicet gestarum, maximarumque in omni genere virtutum, quarum expressa non ad brevis durationem temporis, sed ad omnem æternitatem exstant apud nos vestigia, prædicationem. quas publicis consignatas monumentis, nulla vetustas obruet nulla, inobscurabit obliuio. Harum capita dum cursum attingo, & intento, vt aiunt, ad fontem digito, ostendo, rogo vos silentio me, & attento animo audiat.

Primum vt à patria, & generis claritate exordiar, licet hæc parum, aut nihil, si Christiano more ratiocinandum est, quod externa sint, ad cõmendationem faciant; nescio tamen quo pacto, stirpis humilitas generosos aliquando infringit animos, & erectos ad præclara spiritus proterit. Natus est Venetijs Vrbe copiosissima (hæc sui Imperij caput est, libertatis & maiestatis Romanæ æmula, Italiæ ornamentum, Christianæ Reip. propugnaculum, liberarum ciuitatum princeps, gloriæ domicilium, iudicij sedes, & prudentiæ officina) in familia peruetere eaque patricia cognomento Maura, in qua hæreditaria nobilitatis possessio, & rerum domi, forisque gestarum amplitudo, cum perpetua honorum serie persicit, floruit, enituit. quæ numerosam amplissimorum virorum sobolem fecunda protulit. In hac primum posteris suis sua virtute præluxit Christophorus Maurus, qui ad Reip. clauum admotus, gubernacula in vtraque fortuna constantissime tractauit, & omnes boni Principis numeros impleuit. Clareit in eadẽ, omni laudum genere cumulatifsimus Ioannes Maurus, cuius, si spatium præteriti temporis repetitis, & domesticorum animalium memoriam recordamini, prædicabitur semper ad Regem Aragoniæ nomine Reip. suscepta legatio, adeo honorifica, & toti terrarũ orbi fructuosa. qui autoritate sua, & eloquentiæ vi propè diuina Regem nouis rebus studentem mitigauit, & ad pacis, otijque consilia traduxit. plurimis ab eodem affectus beneficijs reuocatus in patriam redijt. inter quæ illud eminuit, quod gentilitijs Regis insignibus donatus sit. Cætera eiusdem familiæ lumen silentio inuoluo, quod hisce adminiculis virtus non magnopere egeat, sed seipsa contenta sit, suoque nitore splendescens maioribus etiam obscurissimis lucem afferat. Venio ad propiora: Clarissimo religiosissimoque patre Dominico Mauro procreatus, in quem Resp.

omnia

omnia fere honorum ornamenta cōgesserat, sensim etate procedens puer indicia eximia cuiusdam indolis non obscura dabat. Elucebat in eo mira docilitas, morum grauitas comitatis temperamento condita, & ad honestatem propensio, ita vt quibuscum vnā erat, oculos ad se conuerteret, si-bique amore deuinciret. hinc augurari multi vberem reliquā vitā pro-uentum. Vt enim herbescente segete futuræ fruges apparent; ita ex tē-nellæ ætatis initijs, non dubia insequentis vitæ coniectura ducitur. Tradi-tur non multo post optimis morum, studiorumque moderatoribus in di-sciplinam, ijsque literis imbuendus, quibus ea ætas ad humanitatem infor-mari solet. quātū voluptate captus, suapte sponte totis viribus ad earum cognitionem incumberebat. Poeticæ præsertim facultatis lenocinijs, tan-quam Sirenum cantibus delinitus singularem in ea excolenda operā in-dustriamque collocabat. ita vt industria voluptatē, voluptas industriā superaret. hinc sensa animi oratione numeris modisque adstricta expri-mere, carmen pangere, versum grauem plenumque fundere. Hisce igni-culis in dies maioris doctrinæ materies subiiciebatur, qua ceu pabulo quodam mens inflammata alebatur. Pater vero incensa filij voluntati ob-sequens, Patauium vetustissimum omnium disciplinarum gymnasium, ad capessendum maiorem ingenij cultum, mittendum curat, vt quantā ad di-scendam sitim, tanta ad famam fortunamque eius fieret accessio. Vbi dire-ctum ad verū decus iter ingressus, & incredibili progressione vsus, pectus laudandarum artium, & præcipuè Philosophiæ cognitione compleuit, Lu-tulentos quosque authores, quorum scriptio erat ad formandam vitam, & Remp. gerendam accommodata, inexplabili cupiditate peruolutabat, eorum documenta in succum sanguinemque conuertebat, quibus in con-sultationibus de re nata, tempestiuè vteretur. Ingurgitabat se in veterum historias, res superioris æui gestas perlustrabat, ex omni antiquitate exem-pla, quæ sibi ex vsu forent, conquirebat, vt cautior instructiorque ad ma-gistratus accederet. His subsidijs munitus, vt quæ lectione hauserat, vsu experientiaque cognosceret, non diutius se angustijs patriæ finibus conti-nuit, sed remotas exterarum nationum oras obiit, perlustrauit, explora-uit. non ignarus, quantum varietas & dissimilitudo gentium, multiplexq. earum consuetudo præcepta ad ciuilem prudentiam augendam conduce-rat. O præclaras adolescentis cogitationes, quas in illo ætatis æstu, non molestæ libidinum titillationes, non voluptatis illecebræ, non blandi sen-suum motus, principio quidem lenes, at exitu turbulenti & perniciosi, la-befactarint. Itaque in patriam reuersus, cum diutius tanta nominis cele-britas, quantam ei eximia probitas pepererat, delitescere non posset, pri-uatis publicisque conuentibus adhibitus est, in quibus ita prudenter, diser-tè, & grauitè de Reip. negotijs diserebat; vt cum plerumque felici exi-tu responsa eius probarentur, omnium ad se voluntates, studiaque allice-ret. admirabantur vniuersi acumen ingenij, iudicij propè senilis maturi-tatem, copiosam variæ eruditionis suppellectilem, morum suauitatem, &

con-

congruentem cum cuiusque natura habitum . Ex admiratione obseruantia, ex obseruantia amor emergebat . His iactis fundamentis, facilem sibi ad honores adipiscendos viam aperuit . Vix annum vigesimum quintum agens, nullo ambitu, nulla amicorum prestantione, frequentium Comitiorum suffragijs in ordinem minorum Consultorum cooptatur. quò in gradu, vbi primum pedem posuit, egregiù suæ doctrinæ in disceptandis Reip. negotiorum causis, specimen edidit. Inde paucis post annis Præfectura Vicentina extra ordinem nominatim ei in dictis Comitijs summa totius Rei. gratulatione, & applausu decernitur . vt fusa per omnes Reip. partes tam insignis bonitas, neglectam facinorosorum hominum insolentia disciplinâ. in veterem integritatem restitueret, ægrisque membris sanitatem redderet. Mittitur eò Ioannes Maurus, qui tot incommodis salutarem medicinam adhibeat. Laborabat enim ciuitas popularium discordijs intestinis, partiumque factionibus deformata exquisitam aliquam Curationem postulabat. Nec vero ita nebulas cælo circumfusas sol velociter discutit; vt excitati apud illos motus Præfecti eloquentia sunt, & authoritare repressi, tranquillitatis læ ciuitati reddita. quo in magistratu in animaduertendo moderatio, in benignè tractandis animis populi lenitas, in admittendo ad se facilitas, in victu, vitæque cultu magnificentia, in imperio denique continentia eius commendata est. quem a se discedentem, vt annuæ administrationis rationem redderet, quasi parentem patriæ, pacis authorē, sceleratorum vindicem ciuitas amitteret, ita lacrymis, & fausta acclamatione prosecuta est. Vt Venetias redijt, in interius Consilium, quod Collegium appellatur, adscitus est. Huic de Vrbanis, castrensibus negotijs, de militum delectu, & bellicæ artis exercitatione onus ad Senatum referendi impositum est. Insignem hic eius taceo militaris scientiæ peritiâ, si qua de arcium munitione, de propugnaculorum substructione, de vallorum dispositione controuersia incidisset. quæ vsque adeo Reip. probata est (ne quis me in laudando auribus inseruire, & turpi assentationis artificio gratiam cuiuspiam aucupari existimet) vt decimo amplius easdem partes, maiore cum existimationis suæ stuëtù, quod haud scio an nostra patrumque memoria, nisi per paucis vsu venerit, obtinuisse feratur. Vnde non immeritò ambigat quis, togatusne, an armatus diuturniore lucis vsura præstantior euassisset. Expletum huius muneris tempus Legatio ad Henricum III. potentissimum Galliarum Regem, secuta est, cum Regnum iam miserabili suorum clade, & perduellium populationibus vastatum, penè ad perniciem procliuè laberetur. in qua, vt quomodo communi incendio opè ferret, collectas tot vigilijs, & laboribus scientiæ suæ diuitias largiter effudit, eaque documenta tradidit, quibus auerti pestis, & profligatis rationibus consuli potuisset, nisi exacerbata, tot offensis diuina, Maiestate morbus humanam medicinâ vincere cepisset. Exacto Legationis spatio Ioanni Mauro reuersionem maturanti, qua erat humanitate benignissimus Princeps, parem gratiam referre volens, ad se accersitum, cum singularibus

bus verbis eius in se merita exaggerasset, sacramento adactum solenni ritu Equitum suorum numero adscripsit, suisque Lilijs insignibus cohonestauit. Itaque restitutus patriæ, cum a publicis functionibus respirandi pusillum temporisactus, abdere se in quietis aliquem portum constituisset; noua ei, eaque ardua prouincia committitur, quam tanta cum nominis sui amplificatione sustinuit, nihil ut ei ad cumulum gloriæ reliquum esse videretur. Accepitis igitur a Senatu literis Constantinopolim ad Amurathum proficiscitur. Vbi quàm multæ res sunt, quàm amplæ, quàm salutares, & cū publica quiete coniunctæ, quas ille ex animi sententia suscepit, tractauit, confecit? Laboriosum profecto onus, & periculi plenum. quis enim cum immani Orientis Tyrāno insatiabili rabie ceruicibus nostris, accisisque fortunis imminenti, congregi posse se tutò, & fructuosè consideret? apud quem libidine, non ratione & legum æquitate res geri soleant? qua sit prudentia septus necesse est, quaque in agendo dexteritate, & solertia, qui capitalem Christiani nominis hostem non lenierit modò, sed ad stabilendas cum Rep. inducias pertraxerit, sui que apud eum desiderium reliquerit. Hunc certatim omnes Othomannici Principes & antesignani, ob prudentiam, fidem, morum suauitatem, & liberalitatis splendorem amabant, omnibusque horis in oculis, in ore ferebant. Vnam in primis in eo admirabantur sagacitatem, & in inquirendo diligentiam. Nihil enim struere, nihil moliri, nihil machinari quam occultissimè poterant, quod non ille odoraretur, patefaceret, suisque maturissimè indicaret. Mihi vero longè admirabilior eius videtur, quãdiu ibi apud eos commoratus est, beneficentia. Christianorum inopiã, subleuabat, captiuorum, aduenarum, pupillorū patrociniū suscipiebat, opibus recreabat, & authoritatis suæ præsidio defendebat, patebat domus eius omnibus, nulli gratiam, nulli subsidium intercludebat. Nullus erat denique in Vrbe pietatis angulus, quò benignitas eius non penetraret, expressumque esset largitatis suæ monumentū. Magnus hic se offert ad dicendum campus, in quo excurrere & exultare posset oratio, sed habenas reprimam, & parebo tempori. Missum facio eius Decemuiratū, in quem post reditum adlectus est, ut citius ad metam festinet oratio. in qua quàm multa sunt, quàm excellentia, quæ non dico exæquare narrando, sed ne cogitando quidem assequi possim. Postrema namque Legationis (quæ vitæ clausula fuit) functio, in celeberrimo orbis theatro, & clarissima huius Urbis luce versata, quàm gloriosa fuit, & omni dignitate circumfluens? Neminè vestrum esse reor, qui tam illustri loco positas, tam peruagato hominum sermone celebratas iamndum perceptas eius laudes non habeat. ob oculos sunt singularis sapientiæ, religionis, prudentiæ, & liberalitatis argumenta. Vos PP. AA. locupletissimi testes eius ad solidam gloriam impetus quotidiana pænè congressione perspexistis. nihil ille humile, nihil angustum, nihil sordidum, sed excelsa, ampla, splendida, mente designabat. omnes in ea, quam gerebat, persona cogitationes desigebat, ne quid indignum sua existimatione admitteret; omnes

nes ad honestatis normam, maiorumque disciplinam actiones dirigebat. Hæc illa numquam satis laudata in colloquijs sine fūco comitas, in consilijs grauitas, in negotijs arduis prudentia, in dubijs recti verique perspicacitas, in seruanda denique Reip. authoritate facta tecta ardens studium, atque constantia. Iam uehebatur per medias laudes quasi quadrigis ad supremos honores, & celsioris dignitatis fastigium: cū Deus in limine senectutis amara morte nobis erepto immortalis gloriæ præmiū cumulatissimè persoluit. O fallaces hominū spes? o incertos rerum euentus? o insigne umbratilis huius uitæ imbecillitatis documentum? o tenebras animorum? o caliginem? Respicite aliquando Mortales vobis hoc loco veritate lumen præferente; obtusam mentis aciem exacuite; & quantum in rebus inanitatis sit sedulò aduertite. fucatus est hic honorum splendor, falsa gloriolæ species, vana dignitatis amplitudo, adulterinæ diuitiæ, quas nobis tamquam æternæ felicitatis obfides dari efflagitamus. Cum hæc omnia ad nihilum recidant, & ad mortis scopulum allisa euanescant? Felicissimum verò te Ioannes Maure, qui tempestiuè turbulentos mundanarum cupiditatum fluctus velut procellosi maris gurgites, ita prosperè enauiasti, vt Syries illas periculosas, & formidandos scopulos præteruectus, & ex impendentibus ætatis incommodis ereptus, in patrium portum vt credo appuleris, ærumnarū finem, & tenebricosi huius carceris terminū. vbi optimi parentis. Dei sinu, amplexuque receptus liquida sinceraque aspectus eius voluptate perfunderis. frueris nunc purissima cæli luce, bonisque omnibus affluus. tibi pacis, tibi quietis æternæ fructus partus est. Gratulamur tibi toto animo. Tu interea amantibus tui, iusta corpusculo quiescenti persoluentibus, propitiū Deū redde, tuumque commercium restituendum procura.